

রাজশাহী জেলার সেক্টর ২০২০ মাসে অনুষ্ঠিত চোরাচালান প্রতিরোধ টাস্কফোর্স কমিটির সভার কার্যবিবরণী:

সভাপতি : আব্দুল জলিল  
জেলা ম্যাজিস্ট্রেট  
রাজশাহী

সভার স্থান : সভা কক্ষ, জেলা প্রশাসকের কার্যালয়, রাজশাহী

সভার তারিখ : ১৩ সেপ্টেম্বর ২০২০ খ্রি.

সভার সময় : দুপুর ১২:০০ ঘটিকা.

(সভার উপস্থিত ও অনুপস্থিত সদস্যবৃন্দের তালিকা যথাক্রমে পরিশিষ্ট 'ক' ও 'খ' তে দেখানো হল)


সভাপতি সভায় উপস্থিত সদস্যবৃন্দকে শুভেচ্ছা জানিয়ে সভা শুরু করেন। অতঃপর সভাপতির নির্দেশক্রমে বিজ্ঞ অতিরিক্ত জেলা ম্যাজিস্ট্রেট, রাজশাহী গত সভার কার্যবিবরণী পাঠ করে শুনান। তারপর গত সভার সিদ্ধান্ত এবং আলোচনাসমূহ সঠিকভাবে লিপিবদ্ধ হয়েছে মর্মে উক্ত কার্যবিবরণী সর্বসম্মতিক্রমে দৃষ্টিকরণ করা হয়। অতঃপর গত সভার সিদ্ধান্তসমূহের বাস্তবায়নের অগ্রগতি পর্যালোচনাসহ আজকের সভার আলোচ্যসূচি অনুযায়ী নিম্নবর্ণিত আলোচনা ও সিদ্ধান্তসমূহ গৃহীত হয়:

জেলা চোরাচালান প্রতিরোধ টাস্কফোর্স কার্যক্রমের অগ্রগতি পর্যালোচনা

ক্রম	আলোচ্য বিষয়	আলোচনা	সিদ্ধান্ত	বাস্তবায়ন
০১.	চোরাচালান প্রতিরোধকল্পে টাস্কফোর্সের কার্যক্রম	<p>১.১. সভাপতি রাজশাহী জেলার চোরাচালান প্রতিরোধকল্পে আগস্ট ২০২০ মাসে টাস্কফোর্স, বিজিবি, পুলিশ, এবং র্যাব-৫, রাজশাহী কর্তৃক পরিচালিত চোরাচালান বিরোধী অভিযানের তথ্য (পরিশিষ্ট:-গ) উপস্থাপন করতে বলেন। তথ্য পর্যালোচনায় দেখা যায় আগস্ট ২০২০ মাসে মোট ১৬৭৮টি চোরাচালান বিরোধী অভিযান পরিচালিত হয়েছে। অভিযান পরিচালনাকালে ৬৯টি মামলা দায়ের করা হয়েছে এবং ২৯ জনকে গ্রেপ্তার করা হয়েছে। প্রতিবেদন দুইটি আরও প্রতীয়মান হয় যে বিবেচ্য মাসে পরিচালিত অভিযানের সংখ্যার তুলনায় মামলা দায়ের ও গ্রেপ্তার কম হয়েছে। এ প্রেক্ষিতে মামলা দায়ের ও গ্রেপ্তারের সংখ্যা বৃদ্ধি করা প্রয়োজন মর্মে সভাপতি মতামত ব্যক্ত করেন। তথ্য বিশ্লেষণে দেখা যায় যে, উক্ত অভিযানগুলো হতে আনুমানিক ২,৪৪,৮১,৪৬০/-টাকার মালামাল উদ্ধার করা হয়েছে। চোরাচালান প্রতিরোধকল্পে টাস্কফোর্সের অভিযান বৃদ্ধির উপরে তিনি গুরুত্বারোপ করেন। প্রতিটি সংস্থাকে প্রতি মাসে কমপক্ষে ৫ (পাঁচ) টি করে টাস্কফোর্সের অভিযান পরিচালনার জন্য তিনি অনুরোধ জানান।</p> <p>১.২. সভাপতি বলেন যে, জেলা প্রশাসকের কার্যালয়, রাজশাহীর ০৩ (তিন) জন বিজ্ঞ এন্ডিকিউটিভ ম্যাজিস্ট্রেটকে টাস্কফোর্সের অভিযান পরিচালনার জন্য নিয়োগ দেওয়া হয়েছে। তারা প্রতিমাসে অন্তত ০৩ (তিন) টি টাস্কফোর্সের অভিযান পরিচালনা করবেন। সংশ্লিষ্ট সকল সংস্থাকে নিয়োগকৃত ম্যাজিস্ট্রেটগণের সাথে সমন্বয় পূর্বক নির্ধারিত দিন ও তারিখে টাস্কফোর্সের অভিযান পরিচালনার জন্য তিনি অনুরোধ করেন। আগস্ট ২০২০ মাসে টাস্কফোর্সের ০৬টি অভিযান পরিচালনা করে ০৬টি মামলা করা হয় এবং ০৬ জন ব্যক্তিকে আটক করে তাদের নিকট থেকে গাঁজা ৪০ গ্রাম, চোলাইমাদ ২০ লিটার উদ্ধার করা হয়।</p> <p>১.৩. উপস্থাপিত তথ্যসমূহের পরিসংখ্যানগত তুলনায় দেখা যায় যে, জুলাই ২০২০ মাসে চোরাচালানের অভিযান ছিল ১৬৬৪ টি। জুলাই ২০২০ মাসের তুলনায় আগস্ট ২০২০ মাসে চোরাচালান বিরোধী অভিযানের সংখ্যা ১৪টি বৃদ্ধি পেয়েছে। চোরাচালান প্রতিরোধ বিষয়ে দায়েরকৃত মামলার সংখ্যা গত মাসের তুলনায় বর্তমান মাসে ১৯টি বৃদ্ধি পেয়েছে। গত মাসের তুলনায় আটককৃত মালামালের আনুমানিক মূল্য ৬১,৩৩,৫৭০/- টাকা হাস পেয়েছে। বিজিবি কর্তৃক এককভাবে পরিচালিত অভিযান গত মাসের চেয়ে ২২টি বৃদ্ধি পেয়েছে।</p> <p>১.৪. জেলা পুলিশ, রাজশাহী কর্তৃক প্রেরিত তথ্য পর্যালোচনায় দেখা যায় যে, জুলাই ২০২০ মাসে ০৩টি অভিযান ও আগস্ট ২০২০ মাসে ০৩টি অভিযান পরিচালনা করেছেন এবং মহানগর পুলিশ, রাজশাহী কর্তৃক প্রেরিত তথ্য পর্যালোচনায় দেখা যায়, মহানগর পুলিশ, রাজশাহী জুলাই ২০২০ মাসে ৩১টি অভিযান পরিচালনা করেছেন এবং আগস্ট ২০২০ মাসে ৩১টি অভিযান পরিচালনা করেছেন।</p>	<p>১.১.১ প্রতিটি সংস্থাকে টাস্কফোর্সের অভিযান পরিচালনা করে অভিযানকে ফলপ্রসূ করতে হবে। প্রতিমাসে অন্তত ০৫টি টাস্কফোর্সের অভিযান পরিচালনা করতে হবে।</p> <p>১.১.২. জেলা প্রশাসকের কার্যালয়ের নিয়োজিত টাস্কফোর্সের ম্যাজিস্ট্রেটগণ প্রতিমাসে অন্তত ৩(তিন) টি টাস্কফোর্সের অভিযান পরিচালনা করবেন। সংশ্লিষ্ট সকল সংস্থা ম্যাজিস্ট্রেটগণের সাথে সমন্বয়পূর্বক টাস্কফোর্সের অভিযান পরিচালনা করবেন।</p> <p>১.১.৩. চোরাচালান বিরোধী অভিযান বৃদ্ধি অব্যাহত রাখতে হবে।</p>	<p>১. অধিনায়ক ১ বর্ডার গার্ড ব্যাটালিয়ন রাজশাহী</p> <p>২. অধিনায়ক, র্যাব-৫ রাজশাহী</p> <p>৩. উপ-পুলিশ কমিশনার (সদর) আরএমপি, রাজশাহী</p> <p>৪. পুলিশ সুপার রাজশাহী</p> <p>৫. বিজ্ঞ অতিরিক্ত জেলা ম্যাজিস্ট্রেট, রাজশাহী</p> <p>৬. কমিশনার কান্টমস্, এক্সাইজ ও ভ্যাট, রাজশাহী</p>

ক্রম	আলোচ্য বিষয়	আলোচনা	সিদ্ধান্ত	বাস্তবায়ন
০২.	চোরাচালান প্রতিরোধ টাস্কফোর্স কার্যক্রমের অগ্রগতি	২.১. সভাপতি চোরাচালান প্রতিরোধ সংক্রান্ত সংশ্লিষ্টদের সাথে সমন্বয়পূর্বক অভিযান পরিচালনার জন্য কাস্টমস, এক্সাইজ ও ভ্যাট, রাজশাহীকে অনুরোধ জানান। এছাড়া তিনি আরডিএসএফ এর অভিযান পরিচালনার জন্য নিয়োগকৃত ৫ (পাঁচ) জন বিজ্ঞ এক্সিকিউটিভ ম্যাজিস্ট্রেট অন্যান্য দপ্তরের সমন্বয়ে টাস্কফোর্সের অভিযান পরিচালনার জন্য অনুরোধ জানান। বিভিন্ন সংস্থা কর্তৃক দায়েরকৃত তথ্য পর্যালোচনায় দেখা যায় কাস্টমস, এক্সাইজ ও ভ্যাট, রাজশাহী কর্তৃক বিবেচ্য মাসে কোন টাস্কফোর্সের অভিযান পরিচালিত হয়নি। সভাপতি টাস্কফোর্সের অভিযানের বিষয়ে সহকারী কমিশনার, কাস্টমস, এক্সাইজ ও ভ্যাট বিভাগ, রাজশাহীকে আরোও যত্নবান হওয়ার অনুরোধ জানান।	২.১.১. টাস্কফোর্সের অভিযানের বিষয়ে সহকারী কমিশনার, কাস্টমস, এক্সাইজ ও ভ্যাট বিভাগ, রাজশাহীকে আরোও আন্তরিক হতে হবে। ২.১.২. প্রতিমাসে অন্তত ০৫ (পাঁচ) টি টাস্কফোর্সের অভিযান পরিচালনা করতে হবে। ২.১.৩. আরডিএসএফ এর অভিযান পরিচালনার জন্য নিয়োগকৃত ৫ (পাঁচ) জন বিজ্ঞ এক্সিকিউটিভ ম্যাজিস্ট্রেটকে অন্যান্য দপ্তরের সমন্বয়পূর্বক টাস্কফোর্সের অভিযান পরিচালনা করতে হবে।	১. অতিরিক্ত জে. ম্যাজিস্ট্রেট, রাজশাহী ২. কমিশনার কাস্টমস, এক্সাইজ ও ভ্যাট, রাজশাহী
০৩.	রাজশাহী জেলার গবাদিপশুর বিট/খাটাল সংক্রান্ত আলোচনা	৩.১. সভাপতির অনুমতিক্রমে বিজ্ঞ অতিরিক্ত জেলা ম্যাজিস্ট্রেট, রাজশাহী বলেন, রাজশাহী জেলায় মোট ০৯টি গবাদিপশুর বিট/খাটাল রয়েছে। তন্মধ্যে (০১) গোদাগাড়ী উপজেলায় ০২টি (০২) পবা উপজেলায় ০৪টি (০৩) বাঘা উপজেলায় ০১টি এবং (০৪) চারঘাট উপজেলায় ০২টি। ০৯টি বিট/খাটাল এর কোনটিই বাংলা ১৪২৭ সনে নবায়ন হয় নাই। গোদাগাড়ী উপজেলার ০১টি, পবা উপজেলার ০৩টি এবং বাঘা উপজেলার ০১টিসহ মোট ০৫টি বিট/খাটাল বাংলা ১৪২৭ সনে নবায়নের জন্য বিভাগীয় কমিশনার, রাজশাহী বিভাগ, রাজশাহী এর কার্যালয়ে প্রেরণ করা হয়েছিল। বিভাগীয় কমিশনার, রাজশাহী বিভাগ, রাজশাহী মহোদয় রাজশাহী বিভাগীয় চোরাচালান প্রতিরোধ আঞ্চলিক টাস্কফোর্স কমিটির ১৬৩তম সভার ০৯ নং অনুচ্ছেদের ০২ নং সিদ্ধান্তের প্রেক্ষিতে নবায়ন প্রস্তাব অগ্রগামী না করে ফেরৎ দিয়ে নিম্ন বর্ণিত সিদ্ধান্ত গ্রহণ করেছেন। সিদ্ধান্ত: “বিট/খাটাল স্থাপন/নবায়নের বিষয়ে মাননীয় প্রধানমন্ত্রীর অনুশাসন মোতাবেক ব্যবস্থা গ্রহণ করতে হবে। একই সাথে বিট/খাটালের আড়ালে মাদক, অবৈধ অস্ত্র বা অন্য কোন অবৈধ কার্যক্রম পরিচালনা করা হয় কী-না সে বিষয়ে আইন-শৃঙ্খলা রক্ষাকারী বাহিনী সজাগ দৃষ্টি রাখবেন এবং অবৈধ কার্যক্রমের কোন তথ্য পাওয়া গেলে তাৎক্ষণিকভাবে সংশ্লিষ্ট জেলা প্রশাসক প্রয়োজনীয় ব্যবস্থা গ্রহণ করে বিট/খাটালের অনুমোদন বাতিল/বন্ধের জন্য বিভাগীয় কমিটির নিকট সুপারিশ পাঠাবেন”	৩.১.১. দেশে পর্যাপ্ত পরিমাণ গবাদিপশু উৎপাদন হওয়ায় সীমান্ত পথে যেন কোন গবাদিপশু প্রবেশ করতে না পারে এবং মাদকসহ অবৈধ অস্ত্র বা অন্য কোন অবৈধ কার্যক্রম যেন সংঘটিত না হয় সে বিষয়ে সতর্ক থাকার জন্য সংশ্লিষ্টদের সভায় অনুরোধ করা হয়।	১. অধিনায়ক, ১ বর্ডার গার্ড ব্যাটালিয়ন, রাজশাহী ২. অধিনায়ক, র‍্যাব-৫, রাজশাহী ৩. পুলিশ সুপার, রাজশাহী ৪. উপজেলা নির্বাহী অফিসার (সকল), রাজশাহী
০৪.	চোরাচালান মামলার (বিচার নথি) অগ্রগতি আলোচনা	৪.১. অতঃপর সভাপতি পুলিশ বিভাগ, রাজশাহী কর্তৃক প্রেরিত বিচার ফাইলের মামলার তথ্য উপস্থাপনের জন্য অনুরোধ জানান। বিচার ফাইলের তথ্য (পরিশিষ্ট-ঘ) পর্যালোচনায় দেখা যায় যে, আগস্ট ২০২০ মাসে জেলা ও মহানগরীতে বিচারাধীন মোট মামলার সংখ্যা ৫৫৬৮টি। এর মধ্য থেকে ০৪টি মামলা নিষ্পত্তি হয়েছে। মাস শেষে তদন্তাধীন মামলার সংখ্যা দাঁড়িয়ে ৫৫৬৪টি। মামলা নিষ্পত্তির হার বৃদ্ধির জন্য নিজ নিজ দায়িত্ব আন্তরিকতার সাথে পালনের জন্য সভাপতি সংশ্লিষ্ট সকলকে অনুরোধ জানান। তিনি সাক্ষ্য প্রমাণ সঠিকভাবে উপস্থাপন করা এবং কোন সাক্ষী যেন সাক্ষ্য প্রদান ছাড়া ফেরত না যায় সে বিষয়ে বিজ্ঞ পাবলিক প্রসিকিউটর এবং বিশেষ পাবলিক প্রসিকিউটর, চোরাচালান নিরোধ বিশেষ ট্রাইব্যুনাল, রাজশাহীকে অনুরোধ জানান।	৪.১.১ চোরাচালান সংক্রান্ত মামলা দফতার সাথে রাষ্ট্র পক্ষে পরিচালনা করা ও নিষ্পত্তির বিষয়ে তৎপর থাকতে হবে। ৪.১.২. সাক্ষ্য প্রমাণ সঠিকভাবে উপস্থাপন করা এবং কোন সাক্ষী যেন সাক্ষ্য প্রদান ছাড়া ফেরত না যায় সে বিষয়ে বিজ্ঞ পি.পি এবং বিশেষ পি.পি, চোরাচালান নিরোধ বিশেষ ট্রাইব্যুনাল, রাজশাহীকে তৎপর থাকতে হবে।	১. বিজ্ঞ পিপি/ বিশেষ পিপি, চোরাচালান নিরোধ সংক্রান্ত ট্রাইব্যুনাল, রাজশাহী ২. জি.আর.ও সি.এম.এম/ জজ কোর্ট, রাজশাহী

সভায় গৃহীত সিদ্ধান্তসমূহ বাস্তবায়নে আন্তরিক প্রচেষ্টা গ্রহণের অনুরোধসহ উপস্থিত সকল সদস্যকে ধন্যবাদ জানিয়ে সভার সমাপ্তি ঘোষণা করা হয়।

  
 আব্দুল জলিল  
 জেলা ম্যাজিস্ট্রেট  
 রাজশাহী

ফোন নং- ০৭২১-৭৭২০৫০ (অফিস)  
 e-mail:dcrajshahi@mopa.gov.bd


গণপ্রজাতন্ত্রী বাংলাদেশ সরকার  
জেলা প্রশাসকের কার্যালয়, রাজশাহী  
(জুডিসিয়াল মুন্সিখানা শাখা)  
www.rajshahi.gov.bd

স্মারক নং-০৫.৪৩.৮১০০.০১৭.০৪.০০৫.১৮. ৯) > ৮ (২০)

০৫ সেপ্টেম্বর  
তারিখ: ২২ সেপ্টেম্বর ২০২০  
১৪২৭

সদয় জ্ঞাতার্থে/কার্যার্থে:

১. মন্ত্রিপরিষদ সচিব, মন্ত্রিপরিষদ বিভাগ, বাংলাদেশ সচিবালয়, ঢাকা
২. সিনিয়র সচিব, জননিরাপত্তা বিভাগ, স্বরাষ্ট্র মন্ত্রণালয়, বাংলাদেশ সচিবালয়, ঢাকা
৩. বিভাগীয় কমিশনার, রাজশাহী বিভাগ, রাজশাহী
৪. উপপুলিশ মহাপরিদর্শক, রাজশাহী রেঞ্জ, রাজশাহী
৫. পুলিশ কমিশনার, রাজশাহী মেট্রোপলিটন পুলিশ, রাজশাহী
৬. অধিনায়ক, ১ বর্ডার গার্ড ব্যাটালিয়ন, রাজশাহী
৭. অধিনায়ক, র‍্যাব-৫, রাজশাহী
৮. পুলিশ সুপার, রাজশাহী
৯. উপজেলা নির্বাহী অফিসার (সকল), রাজশাহী
১০. উপপরিচালক, মাদকদ্রব্য নিয়ন্ত্রণ অধিদপ্তর, রাজশাহী
১১. সহকারী কমিশনার, কাস্টমস, এক্সাইজ ও ভ্যাট, রাজশাহী
১২. ----- (সংশ্লিষ্ট সকল)

  
জেলা ম্যাজিস্ট্রেট  
রাজশাহী

